

四庫全書

集部

欽定四庫全書

集部  
草堂雅集卷十

詳校官中書臣丁榮祚

助教臣常循覆勘

總校官中書臣朱鈐

校對官中書臣范鏊

謄錄監生臣張若湘

欽定四庫全書

草堂雅集卷十

姚文奐

元 顧瑛 編

字子章崑山人聰敏好學過目即成誦博涉經史  
搢紳先生咸加推重辟浙東帥閫掾雖公事旁午  
不廢吟咏把酒論詩意氣豁如每過予草堂必有  
新作故所錄尤多家有書聲齋野航亭自號婁東

生云

題高宗詩意便面

畫裏山河尺五天  
傷心莫說靖康年  
迢迢古木連雲色  
何處思陵起暮烟

題章氏園亭七首

種德堂

春風堂下流芳地  
種穀何如種德宜  
會見青青雙玉樹  
百年無數長孫枝

水心亭

卜築中流便翼然  
牕開面面見清泉  
微風澹沲生文采  
如坐米家書畫船

壺中堂

身在蓬瀛亦醉鄉  
清冰出壑置高堂  
誰知天上風雲闕  
不似人間日月長

江山清氣亭

卜宅龍江第一灣  
天開突兀見南山  
琴書闕

閒看漁樵自往還

明遠樓

水光山色照簾櫳極目秋毫迥碧空身世凌空欲飛動

何人

闕

付長風

闕

亭

闕

亭下花如錦野蝶山蜂總不知獨把一杯芳晝永

美人

闕

我唱楊枝

晚香亭

百花開盡菊盈枝  
三逕歸來酒滿卮  
老圃秋容清馥馥  
西亭宜客賦新詩

書聲齋即事

書聲齋底有新涼  
行李挑詩上夜航  
月色滿襟隨我去  
秋花如玉為誰香  
十年客路知今日  
百里胥門尚故鄉  
朝野太平沾寸祿  
不愁白首未為郎

題馮文仲畫秋亭楚望

黃葉蕭蕭聲似雨  
西風夜作離人語  
秋亭野色滿江南

誰搗玄霜千萬杵

送人之江東典史

海上潮生書畫船  
秋風此別遂三年  
青山近郭客攜酒  
綠水小橋人採蓮  
笑我閒居隨造物  
看君高步似神仙  
江東故舊還相問  
白雪新來欲滿顛

月伯明講經與玉山各賦二絕以寄

玉笛飛空過洞庭  
西山不改舊時青  
短長橋下風雨夜  
知是老龍來聽經



月闕

影散閭浮樹風送將開智慧花

闕

約清秋

闕

列毘闍

玉山賦詩曰纖月微微轉石牀紺宮秋夜著新

涼雨花不許一塵染吹作滿天風露香又詩曰

江納潮音秋浩浩空涵月色夜冥冥香隨花雨

天分供光發寶珠龍聽經

時月伯明住  
崑山報本寺

西園分韻得何字

秋日西園萃森爽乘閒領客逕相過泐池新水浮皋陸

石闕

華闕

慢坡自笑謬稱三語掾誰能更作五噫歌

晚來幽思政傾倒跋馬且歸愁奈何

來鶴亭得飛字韻

挹闕

來鶴亭主人闔竹扉鶴來為客舞玄裳縞其衣客

起為鶴歌相與澹忘機况茲暮春候微風蕩晴暉摘花

散闕

飲芳而食菲古香襟龍麝新茗試槍旂真樂足

清賞

闕

玄微作者紀七人分題詠而歸明朝當復

來故恐

闕

紅稀為君引橫玉再奏鶴南飛

書聲齋蘭韻得長字

昔我去西齋含悽逐飄蕩今我歸西齋觸情集遐想氣  
節忽變遷宇宙一俯仰我書時復讀我琴久絕響凱風  
自南來戶庭颯以爽搔首佇良朋於焉共清賞懽將酒  
洽浹愁借酒滌盪慨彼岐路人行行屐幾緲豈不念厥  
初胡為絀塵鞅永懷柴桑翁庶其觸類長

題熊松雲畫茅山秋色圖

關

先生傳茅仙

關

何年山青雲白秋如畫

此闕

第八天

茅山

山雲護芝田山雨清菌閣中有學仙人吹簫待鸞鶴

吳仲圭畫折枝竹

鳳去梁王宅苔荒習氏池阿誰春雨裏見得翠蛾眉

婁東園分韻得四字

至正八年夏六月日踰四故人海上來朋游若雲萃置  
酒婁東園清陰障囂滓譚鋒落秋霜炎飈變涼思盤殮

襟果蔬令舉飛觴至豈無絲與竹相與樂文字西亭及  
野航于焉得晚涖新題到畫壁草木亦蔥翠浮生一萍  
流驩會良未易載歌秋水篇周還緩歸轡

招飲

高君自家會招此真率賓昔人酒令圖一行當一新少  
馬日卓午飛馬秋風塵國色明皓齒天香隨舞裊祗愁  
草茅士形穢珠玉濱

題張戡瘦馬圖

稜稜出神骨翼翼照龍光顧影時思戰長鳴勢欲驤征  
鞍闕兒女遠道負餽糧歸到龍沙日秋風首蒼長

題岳王墓

旌忠函骨北山根一過西湖一斷魂獨掃金人歸朔漠  
長驅鐵馬到中原奸邪百代空遺臭父子終天尚雪冤  
墓木屯陰森戰戟蕭蕭風雨泣黃昏

秋日讌古塘蘭若分韻得入字

秋日上闌干秋風下原隰萍流三十年豈不念鄉邑歸

來南山下故壘謀稍葺一錫借招提松光照書籍

闕

有

闕

良朋偶雲集解襟納新涼開樽攬芳裛起處適  
自如獻酬不拜揖于時發清豪分韻紀雅什樂哉固無  
涯所貴相講習西林趣鳴禽翳翳景將入

### 次韻

索居郭外景蕭疎況是秋風落木初少出不知今日事  
老來猶讀古人書題詩遠寄何煩爾載酒相過尚憶渠  
見說汾陽多貴客問君誰是馬相如

題虞瑞巖描水仙花

離思如雲賦洛神  
花容婀娜玉生春  
凌波襪冷香魂遠  
環珮珊珊月色新

題書扇圖

蘭亭墨本摩挲盡  
老我愁書吐吐空  
一自巖山題扇後  
千年誰復寄清風

題西園雅集圖

宋家全盛日  
戚里肅高風  
四海才華萃  
西園燕氣濃  
衣



冠名教異興趣一時同雅好隨賓客風流是主翁珍藏  
出古物能事競新功離席高譚永行厨異味重臺池迷  
遠近杖屨任西東竹色仍多碧蕉花也自紅文章闕世  
道富貴感秋蓬良會難為數清驪未易窮蘭亭修禊事  
金谷綺羅叢回首俱陳跡君看圖畫中

題畫雞冠花

何處一聲天下白霜華晚拂絳雲冠五陵鬪罷歸來後  
獨立秋亭血未乾

題倪元鎮雲林圖

昔從雲林游靈光散霞外迴薄萬古情逍遙五噫態臨  
流以濯纓息陰為解帶浩歌激清商參差動天籟

和韻

天清望不極逸興晚來多新月弦初上秋華酒半醅水  
光搖玉塵山色舞金鷺坐久衣裳冷移舟向澗阿

竹枝詞

儂家只在斷橋邊勸郎切莫下湖船湖船無柁難輕托

白日風波在眼前

晚涼船過柳洲東  
荷花香裏偶相逢  
剝將蓮肉猜拳子  
玉手雙開各賭空

冰肌玉骨自清涼  
藕花十里錦雲香  
一朵紅衣初脫卸  
却將蓮子打鴛鴦

家住西湖第四橋  
自從卅角學吹簫  
年來愁得兩鬢雪  
吹盡春風那得消

郊韶

字九成吳興人好讀書慷慨有氣節辟試府掾不  
事奔競淡然以詩酒自樂作賦不習近世體欲追  
唐人之盛楊鐵厓先生以為與北州李才相上下  
駿馬新鑾蹄駸駸未可知也

題柯丹丘墨竹

玉文堂上寫琅玕只作吳興老可看一夜秋風動寥廓  
綵雲零落鳳毛寒

題王元章畫萬玉圖

一湖千樹玉交加  
清夜掀篷看雪花  
狂殺山陰王處士  
興來放筆掃橫斜

題美人琴阮圖

金谷花飛春半時  
花間鶯語太遲遲  
美人心事渾無賴  
忍把柔情摘阮絲

題宋高宗詩意便面

深宮華氣接蓬萊  
日日題詩上紫苔  
一夜雨聲無處著  
盡將秋色過江來

和張伯雨雲林席間韻

句曲先生世所憐  
新詩字字總清妍  
楚江祗漫聽春雨  
蜀土那知有漏天  
樹隔青山迎好客  
華開白日照芳筵  
高居更憶雲林子  
目送冥鴻揮五絃

題柯博士梅竹圖

天王宴罷奎章閣  
博士歸來兩鬢絲  
寫得寒梅與修竹  
照人清影尚參差

題浴馬圖

花落春雲滿御堤晚涼試浴躍龍池五王未許爭飛鞚  
先賜承恩太僕騎

題朱澤民山水

洞庭南下水如天篷底看書白日眠我亦憐君愛山色  
直須買酒過秋船

題顧定之竹

吳下幾人能畫竹風流只數顧參軍都將數尺雲烟思  
寫作當年篆籀文

題唐子華山水

東風吹雪嫩寒生有客騎驢畫裏行今日相看渾似舊  
江南何遜獨多情

湖州東門即事和玉山韻

路入仙源一水分雞鳴犬吠自成村晚風忽送青天影  
吹落匡廬九疊雲

玉山詩曰郭外青山兩岸分桃花流水帶漁村  
紫霞仙子坐船上笑看春風吹白雲



游弁山李雲山點杜鵑花與玉山同賦

金井西頭夢綠仙霞裾風度影翩翩隴西才子多清思  
謾把春雲染杜鵑

玉山詩曰山花開滿枝游子竟忘歸東風洒猩  
血吹作杜鵑飛

寄遠曲二首

突騎破天驕將軍賦大刀隴頭嗚咽水一夜夢臨洮  
朔雪滿天山征人去不還惟應隴頭月照見玉門關

題趙魏公畫

漢家宮闕盡蒿萊  
烟雨蒼茫護石苔  
惟有金河舊時雁  
年年秋色過江來

用楊鐵厓新居書畫船亭韻與玉山同賦

越來溪上暮潮過  
飲馬橋頭春水波  
出郭喜知塵事少  
吹簫無奈月明多  
華飛斷岬衝歸燕  
柳蔭長溝汎白鷺  
擬送一琴臨水榭  
叩舷同奏竹枝歌

卜築喜過揚子宅  
城居曲曲抱溪流  
夕陽在波人影亂

秋水上簾竹色幽載酒過門從問字據牀吹簫不驚鷗  
月明後夜溪山雪乘興還能具小舟

次韻陸友仁吳中覽古一首

赤蘭橋下記停橈細雨菰蒲響暮潮說與行人莫回首  
故宮烟柳正蕭蕭

過石塘洪

亂石成孤嶼中流截巨濤水清時見底沙淺不容舸度  
鳥窺天影游鱗觸碕毛前村江路迴纖月在林皋

過漁浦

江水飛花作雪輕  
月明似入剡溪行  
可憐一夜天涯雨  
又聽春潮打櫓聲

題仙山樓觀圖

漢主離宮最上頭  
昔年曾侍翠華游  
青天半落銀河水  
白日高懸華岳秋  
花隱儀闕臨閣道  
仗移瀛洲

三山更在齊州外  
遙認蒼烟九點浮

送姚子章之浙東帥掾

海右桓桓大府開勝中雲氣近蓬萊借籌底用平蠻策  
草檄須煩倚馬才玉節旌麾江上見明珠翡翠日邊來  
遙知博望沙頭月為照乘槎萬里迴

寄南屏精舍諸友

山中遺老凋零盡太息於今復數誰東郭幽人頻曳履  
南崗諸子總能詩夜窗燈影分書幌午榻茶烟颺鬢絲  
何處令人發深省永明湖上立多時

同報復元上人登南崗文筆峰兼柬向曲外史

橋林風細涼颺生石磴雨滑褰衣行雙肩正如野鶴立  
左耳忽若秋蟬鳴孰云耽詩並齊已我愛翫世惟彌明  
對牀著屐歌楚語若箇扶藜來細聽

題王仲弘縣尹所藏高彥敬尚書巴陵山水圖

尚書愛畫水落筆生遠色微茫洞庭野迥與湘渚隔青  
山迤邐盤春空江波欲落江樹重望中雲夢開七澤猿  
啼直與巴陵通王郎家住巴陵道按圖只說巴陵好巴  
陵女兒歌竹枝微風落日行人少山中春雨生石田柴

門流水聲濺濺釣竿長日倚沙樹扁舟中閣生晴烟愛  
此只合山中住十年作官不歸去高堂見晝夜夢之夢  
中離離濕秋露白頭官滿思轉多江南酒美仍蹉跎人  
生得意夜行樂酒酣且和巴陵歌王郎王郎奈爾何

龍門山中即事

雷雨過崖驚落湍空林白晝忽生寒陰陰草閣開尊坐  
細細山雲卷幔看落日樵聲經木末青天鳥道掛簷端  
亦知吏隱非吾事直欲從茲賦考槃

和仲舉張博士見寄一首

金溝河上柳千條  
濯濯輕陰覆畫橋  
華夾御城涵曉日  
波迴仙沼應春潮  
曾聞獻賦趨三殿  
想見承雲麗九霄  
欲聽鈞天塵夢隔  
蘇臺涼月夜寥寥

曉發商溪戲東玉山且索和

商水西頭花滿烟  
畫船銀燭理絲絃  
翠屏何處驚殘夢  
卧看青天春月圓

玉山詩曰岸花如霧隔春烟  
畫舫琵琶第四絃



翡翠驚飛不知曉五更殘月向人圓

送丁彥祥入京魚呈危太樸應奉

畫角城頭烏亂啼客行秋日思悽悽  
黃河一水青天上葱嶺諸山大漠西  
飲馬窟深沙草淺射鵬風急暮雲低  
經時不見危供奉想候都門踏雪泥

寄句曲外史

掬溜室中清夜分相過曾此說幽文  
園池星斗當牕見枕席波濤隔樹聞  
頭上鵝冠朝老子手中龍節候元君

欲從世外求玄賞雞犬岩頭有白雲

鄭蒙泉鍊師子午谷圖

子真今住子午谷迺在蛟門西復西繞屋長松落晴雪  
倚天絕壁立丹梯春回大壑三芝秀月滿空山一鶴栖  
歸去看圖望瀛海定應沐髮候天雞

和報復元秋興一首

大星出海芒角稀新月隔林光景微空山無眠鷄犬靜  
獨樹忽驚烏鵲飛已喜朝廷寬賦斂側聞南國尚戎衣

釣竿早晚落吾手日日放船來水扉

天平山

西來山勢森如戟上與浮雲石棧連華蓋九峯當絕壁  
龍門一道落飛泉幽穿石洞潛通穴下俯天池冷積淵  
更欲振衣千仞表側身東望洞庭烟

谷口

谷口大星稀蒼茫夜景微草驚知鹿過潭響覺龍歸楚  
舞誰相狎商歌自攬衣鹿門應有待莫遣壯心違

題趙魏公竹

鳳閣春雲細瑤階碧霧深輕風來委佩旭日上朝簪歷  
歷衷賢思依依戀闕心竹枝同古調千載有遺音

寄經鋤隱者倪元鎮

谷口青松夾逕生鶴巢松頂雪初晴此時知有經鋤者  
獨抱長饒嶺上行

寄文煥章

揚子橋邊送客舟秣陵烟樹不勝秋征鴻過盡無消息

注目寒江水倒流

月夜有懷報復元上人

門外天低南斗橫  
戍樓風急打三更  
絕憐此夜長松下  
正好哦詩踏月行

送趙季文之湖州知事

側聞大郡元僚佐  
江左文繁費剴裁  
殷浩固稱多士選  
郗超元是濟時才  
題詩金井穿雲洞  
下馬窪尊坐石臺  
魚有故人資碩畫  
春風日日好懷開

移家雪溪溪上頭苔荒數畝石田幽連天雲樹當書屋  
歸夢青山落釣舟大邑久傳才子盛五亭好逐王孫游  
東林春酒白於蜜未得相從對狎鷗

玉山詩曰吳興從事之官去  
卷畫溪晴聽棹歌

夜雨牕前青草夢春風亭下白鷗波

闕

梅花發挂笏寧嫌爽氣多相見平原趙公子來

禽青李近如何

與楊鐵厓訪玉山舟中聯句

城角初升旭日遲  
拖樓醜酒起遐瞻  
鰲頭直下癡雲暗

鐵鷁尾徐開  
破浪恬野色微明  
金水曲韻清江隱見玉

峯尖烟開幕  
燕簷牙起鐵風颭檣烏闕波影白翻

鷗箇箇韻燒痕青出麥  
纖纖弋來野鷺毛全脫  
鐵網得

冰魚口尚噉  
解籜玉萌蓮韻苦韻潑醅村益蜜闕甜避

船好鳥闕識鐵入座江華手自拈  
未必江山惟客助

韻也知吏隱許吾兼  
桃華不隔仙源路  
詩就寧辭晷刻

淹鐵

吳浦

山勢分吳楚江流接混茫  
昔年隔南北此地即邊疆  
民近淮鹽市門通海客航  
行人敬風土云是子游鄉

伐桂辭

莫斫桂樹莫斫桂樹上有慈烏  
反哺桂樹有華慈烏有  
母實傷汝心匪傷汝斧

弔桂辭

涼風蕭蕭兮山木幽白雲英英兮  
生清秋嗟哉桂樹兮



不我留彼山中之人兮與汝何仇使我獨立兮增離憂  
寄倪元鎮

幻仙昔過梁谿上之子清詩日見稱詎有低頭拜東野  
直須長嘯答孫登書來映雪池頭落睡起朝曦屋角升  
欲酌山泉煮春茗江干艇子幾時乘

次張仲舉謝左轄韓公韻

高閣中天亘采虹坐看庭樹起秋風相臣載酒空山裏  
供奉題詩別館中肅肅遠瞻鴻羽集呦呦尚想鹿鳴同

纖雲不動涼生席一夜天瓢雨洗空

過吳興沈十二秀才

游子經年別故鄉偶從春水泛滄浪萬行細柳迎歸棹  
幾箇黃鸝隔草堂北里縹車如雨響東家煮酒入林香  
沈郎阿母能强健見說新來白髮長

題尹山寺

王師昔度江南日曾駐旌旗江上林劫火不隨人幻化  
箭鋒應與塔銷沉咸池幾見天雞出蕙帳空聞夜鶴吟

白髮老僧談往事青山依舊白雲深

述懷寄倪元鎮

隱吏重來學灌園輟耕時與野人言衡門謾有車馬集  
廚廩都無鳥雀喧夜榻張燈抄籀史飲瓢分水注陶尊  
欲乘艇子梁溪去稍待春潮繫樹根

題仙山圖

華蓋諸峰積翠遙中天樓觀陟岩堯白雲窈窕生晴谷  
春渚微茫落暮潮歸鶴只栖玄圃樹幽人時過赤闌橋

相逢願接飛霞珮早晚飈車會見招

為鄆道士賦鍾山

每向鍾山賦草堂遠林佳樹色蒼蒼石橋夜迥星河澹  
仙井潮生雨氣涼坐見青松將子落行看老鶴與人長  
釣泉擬解塵纓濯躡屩還趨千仞岡

寄熊自得

勘書臺上聽泉者還憶匡廬人卧游千尺雲松平地起  
九江春水拍天流亦知阮籍多貪酒自愛庾公不下樓

思爾簫聲當靜夜時時吹鳳碧山頭

題趙氏所藏畫

繡嶺宮前西日暉忽驚嵐氣上人衣人家隔岸留殘照  
樓閣經年掩翠微游子不知秋已暮塞驢直與世相違  
何當寫我臨流處黃石橋頭看釣磯

題廬山圖

羣山東南橫翠色倒影芙蓉生石壁青山直下九江流  
吹落銀河二十尺安得浮雲滿春空托身萬里之長風

南游濯髮洞庭水卧看蘿月行山中

送王生之江陰州吏

不到澄江今五年城居風物想依然青山對雨雲連屋  
春水到門船在天此地極知官事簡清時况乃郡公賢  
題詩送子遥相憶又是秋風過雁前

送僧歸温州

上人靈鷲峰頭客歸去秋風雁宕南山滿謝公行處屐  
洞留覺祖去時龕海汀潮白秋波亂隴樹天青夕照含

莫怪題詩重相憶頻年有約寄黃柑

東呂生一首

郭西寺東楓樹林草閣下瞰城之陰大江風雨兼愁作  
八月秋濤過屋深生憎物色惱幽興況是故人勞我心  
鴻飛冥冥目力短商歌念爾孤鴻音

游卞山黃龍洞東趙仲光一首

石洞陰陰海氣寒絕崖千尺落奔湍白翻飛燕空中見  
黑入潛蛟地底蟠陟險未窮雙蠟屐放形自笑一儒冠

十年來往青山路依舊黃塵沒馬鞍

送張大使之湖湘監稅

學士諸孫不乏賢司征猶得紀山川行人西入湘江路  
賈客南通下蜀船倚竹哦詩春過雨隔江聽瑟暝浮烟  
相思莫寄衡陽雁待得新秋又一年

寄范叔豹

江上霜寒木葉凋憶君何處思迢迢長年旅食同秋雁  
故里風烟隔暮潮甚欲寄書酬遠別絕憐把燭待清宵



雙溪月色涼如水誰採瓊芳慰寂寥

茗溪草堂為范叔豹賦

徵君家住白蘋溪  
烟霧蕭條萬竹迷  
茅屋曉風隣海濶  
錦城秋色傍人低  
朝來把釣頻維棹  
雨過看山獨杖藜  
傳得杜陵千古意  
肯容投老遂幽棲

次韻楊子壽同浦太守游顧園

辟疆園裏好花開  
路隔仙源一水洄  
春暖鳬鷺當檻浴  
草青蝴蝶上衣來  
柘枝屢舞團團扇  
竹葉深傾灩灩杯

何事綠波生浩蕩畫橋風急綵舟迴

厭厭行酒日西斜太守風流兩鬢華簫引鳳皇停夜月  
杯傳鸚鵡泛流霞飛花半入長洲苑歸燕空思王謝家  
剪盡綠楊三萬樹暖風吹絮滿天涯

望中煙雨赤闌橋芳草行人去路遙翠壁流泉通地底  
青林虛閣轉山腰遲遲綵艇香風度灩灩金塘柳色饒  
何處隔樓聞笑語玉人閒按紫瓊簫

石洞陰陰雪乍融溪虛弱柳不禁風花飛草閣通歸燕

舟泊晴江見斷虹甚欲題詩春竹裏不堪吹笛水烟中  
歸來坐對高城晚門外烏啼月照空

次韻聶茂宣見貽就東陸伯淵

楊雄宅裏曾相識甫里祠前會面時白日過門應問字  
青春別墅只圍棋隔溪水漲桃花屋深巷雞鳴桑樹枝  
甚欲相從二三子篝燈細雨共談詩

虎丘

春草青青繞闔廬山深石徑轉崎嶇空聞落日騰金虎

無復寒泉閤玉鳬陸羽井深春雨歇生公石在白雲孤  
傷心莫問魚腸劍怨逐秋風上轆轤

送盧益修鍊師所畫水仙

盧敖愛向山中住長遣看雲一鳥飛昨夜候神東海上  
夢隨環珮月中歸

題秋林高士圖

山磴坡陀細路平石橋流水雨初生絕憐童子驚秋色  
聽得空林落葉聲

題趙仲穆畫送鄭蒙泉之鄞

海寧太守歸來日愛寫新圖入卧游見說甬東風日好  
春山如霧隔瀛洲

題顧周道畫

楚雨初晴綠樹浮斷雲芳草隔汀洲亦知不負幽棲意  
長向春江釣碧流

題米南宮畫

風流不見米南宮依舊雲林遠樹重貌得匡廬舊游處

半江秋色洗芙蓉

題柯丹丘畫

溪上春山石徑紆  
暖雲晴嶂錦模糊  
行人如隔湘江岸  
日暮青林啼鷓鴣

題溪村煙雨圖

山雨朝來不作泥  
望中烟雨使人迷  
依稀絕似羌村路  
無數春船逆上溪

梨花

渚宮花落雨霏霏  
春盡江來客未歸  
多少東家蝴蝶夢  
相思併逐彩雲飛

題扇頭

洞庭木落山月低  
出門秋色風淒淒  
客行憶過黃陵廟  
谷口青猿一箇啼

題謝仲和竹石

江南謝老獨風流  
愛寫晴雲竹樹幽  
絕似玉堂殘月夜  
數枝晴雪映高秋

浦陽江上水生時日日臨流看竹枝便好扁舟載春雨  
蒼苔石上坐題詩

題宋王孫雨竹

闕閣春寒寫素屏兩枝如玉立亭亭分明自注銀潢水  
白日天階洗鳳翎

題魏明鉉畫

老翁住在浣花村日日哦詩醉瓦盆怪底橫江見船尾  
不知春水到柴門



題畫

重岡細草覆坡陁風引松花落澗阿草屋雨餘雲氣濕  
開門不厭好山多

過女兒浦

浦口寒烟生白波  
蘩花風急棹舟過  
人家一路青山下  
只有秋田落雁多

村行

江煙漠漠雨霏霏  
野飯吹香落釣磯  
三十六陂秋水濶

金少隱八人集  
卷十  
背人白鳥一雙飛

題趙仲穆畫

水晶宮裏佳公子  
拄笏看山逸興多  
昨夜溪南新水漲  
釣絲晴拂白鷗波

題趙彥榮臨畫

北苑南宮奈老何  
青山依舊洛中多  
相思一夜鷗波夢  
稚子船頭結綠蓑

鸛鵒圖

東風吹柳日沈沈  
階下宜男綠正深  
百尺游絲春院靜  
卧看鸚鵡步花陰

題漁家壁

漫郎家住黃泗浦  
閒看飛花坐北窗  
渡口青山高似屋  
門前湖水直通江  
垂楊繫艇已千尺  
春鯉上盤纔一雙  
野老相過無一事  
白頭喜對酒盈缸

許浦道中

許浦經行三十里  
狼山已見宿雲霾  
何人挽粟能通海

有客販鹽初過淮馬渡岡巒何歷歷雞鳴風雨只喑喑  
一春多病兼寒色愁絕山顛與水涯

題唐子華山水末句用楊廉夫五字

我愛會稽楊使君洞庭秋月約平分時時吹笛中流去  
卧看蒼山如畫雲

送人之輒溪兼柬東王十二秀才

不見草堂橙樹西春雲襍樹晚相迷白沙今夜柴門月  
又逐青山過輒溪

送彭彥明還漁浦

江頭高樹繫浮槎  
秋水生時客到家  
為語白頭揚執戟  
門生今喜識侯芭

為靜品上人賦半間雲房

松下半間屋繞簷  
生白雲山香石上起華雨  
靜中聞掃榻看桐影  
支筇對夕曛  
悠悠百年意  
世事任紛紜

送僧歸嚴陵

春船上瀨急歸路石濺濺  
白日百花靜清江初月圓  
偶

逢林下叟為話竹間禪明發遙相憶青山生暮烟

倪元鎮畫

玄館夏初度青林暑氣中開軒對流水坐石待薰風花  
落葛巾側鳥鳴山几空經鋤者誰子散髮奏絲桐

送樊仲益省郎之解州

六月句吳國重逢樊省郎題詩過山館惜別度河梁淮  
樹生秋早汾陰去雁長明年朱紱貴遙憶奉華觴

題胡廷暉畫

仙館空青裏春船卷畫中鷗波千丈雪漁笛一絲風

題倪元鎮畫二首

斷靄生春樹微茫隔遠汀梁溪新月上照見惠山青  
高江新水生微月流雲度美人胡不知相思隔春樹

梁溪倪元鎮為余寫湖山清曉圖河東張仲舉題  
詩于上友人鄭君傑竟持去不還雖往欲觀亦不  
出示鄭真忍人也今觀斯圖觸景會意寧不為之  
慨歎漫賦長句云

韶也性頗癖為愛名山游及茲見圖畫遠近須購求梁  
溪倪君與我好看山作圖非草草春山爛漫走雲濤海  
樹微茫隔煙島碩人之居在硯阿天青石壁窳女蘿彈  
琴暝落松上雪濯足影動窗前波而我憶在西湖住對  
畫看山日忘暮河東太史驚見之為寫新詩美無度東  
家鄭君何太癡時復把玩稱絕竒一朝衝雨捲藏去使  
我夢寐長思之只今看畫即欲死永言思之嗟已矣出  
門笑問沙上鷗東流瀾瀾春江水



有懷玉山徵君次沈自誠韻

翔燕屢云至落花辭故枝當軒盼流景惻愴神亦疲達  
士多曠志所慕惟書詩朝耕孰與儔夕釣任所之豈不  
念時好沈淪與世違取琴為之彈曲絕令人悲白雲被  
高岡夕月照水涯徒令千載心默默誰與期

次韻倪元鎮雙燕吟

雙燕雙燕復雙燕年去年來幾相見東風花落杏梁深  
不比朝飛雉帶箭主人長年不知還夢隨蝴蝶千萬山

人生那似雙飛燕去去來來梁棟間

送地理劉漢章

劉也東甌士能探郭璞書曰陰曰陽處某水某丘餘壤  
隧飛金雁陰房葬玉魚荒唐千古事吾欲問何如

衡門書事二首

風雨衡茅深復深朝來隱几獨長吟正憐靜裏耽詩癖  
忽喜門前有足音爨下焦桐彈別鶴篋中蠅紙寫來禽  
南山千古悠然意惆悵何人識此心

門巷青苔積雨深  
林花落盡一鶯吟  
高情不鼓南薰調  
長日只聞流水音  
澗底青絲牽弱荇  
窗前碧色護來禽  
莫嫌身外求名遠  
自是幽居愜素心

石榴花辭

石榴花為誰好  
一樹垂垂向官道  
年年花落復花開  
不覺前年人易老  
去年花開白日長  
長官載酒來稱觴  
流鶯蛺蝶共飛舞  
不惜醉倒花樹傍  
今年花開秋可憐  
纍纍結子滿樹顛  
無人載酒花下飲  
只說花開勝去年  
去

年今年兩結子雨露生成有如此人老不似花再開莫  
惜載酒花前來

題女真獵騎圖

白草原頭聞雁聲黃沙磧裏馬蹄輕舉頭忽見邊城月  
倒着絲鞭不肯行

塞上秋鷹白雪飛濺濺生血洒毛衣日斜却過輪臺下  
爭看紅粧獵騎歸

題青山白雲圖

山腰綠樹雨初收  
天際白雲如水流  
憶在九江船上望  
楊花飛雪下輕鷗

題九龍圖

九龍起幽壑  
百谷走春雷  
峽坼蒼崖斷  
天傾白浪迴  
朝行神禹穴  
暮過楚王臺  
應有天瓢手  
為霖遍八垓

山水四景

天際羣峰翠竹圍  
丹臺千尺淨朝暉  
何人脫屐長松下  
坐看青天瀑布飛

西風木落曉猿驚一水東流日夜聲兩岼青山看不盡  
扁舟又過楚王城

山頭雲氣作朝寒石澗春雷響百灘知有高人絕塵慮  
獨臨虛閣俯層瀾

扁舟晚泊洞庭西江草江花岸岸齊却過白龍祠下去  
兩邊楓樹鷓鴣啼

芭蕉士女圖

玉階風細漏遲遲月冷筭珈鬢影垂怪底新涼滿團扇

紅蕉華下立多時

梧桐士女

厭厭微步出深宮  
露濕紅綃怯晚風  
爭信長門今夜月  
肯分清影照梧桐

秋林才子

殘照下西嶺  
微雲翳輕陰  
蹇驢行落葉  
歸思在秋林

東京茶會圖

二月東都花正開  
千門春色照樓臺  
遊人勝賞不歸去

齊侯分茶擔子來

寄許具瞻縣尹兼東姚子章

朝廷守令居清選  
淞右推君第一流  
豈但絃歌聞百里  
直將名字動諸侯  
天開赤水浮仙島  
日出滄溟沒蜃樓  
東府故人姚記室  
定應騎馬日從游

題步愚嬾道士青松障子

青磧長松積雪深  
白雲千里護空林  
石泉自彈流水操  
天籟時聞大雅音  
貞白洞前風細細  
葛洪井上晝陰陰



茯苓滿地知愚嬾日抱長鏡何處尋

寄唐子華縣令蕪東趙季文從事

鄉里衣冠日已疎歸來俯仰十年餘蒼筠獨喜經秋後  
白髮休嫌把鏡初猶子總傳韋偃畫諸孫只守鄴侯書  
西隣從事耽詩癖日日過門應下車

和鄭遂昌初度有感

六月六日逢初度白髮朝來把鏡看  
緝子攤書誦麟趾  
仙人承宴擘龍肝玉壺送酒春長好  
青竹題詩墨未乾

久識先生甘隱遯蕭然林下古衣冠

和鄭遂昌苦雨

家住越來谿水頭草堂六月雨生秋風無大澤陰霾湧  
水合長河濁浪流后土何由見白日故人相憶在滄洲  
明朝欲向東吳地江草江華笑客愁

送僧游廬山將之西蜀謁玉泉尊者

聞道上人廬阜去遠從西蜀陟崔嵬舟行五月瞿塘險  
天入三巴鳥道迴蘭若清猿聞苦竹袈裟細雨憶黃梅

玉泉智者還相見應說鄉人海上來

小隱為居延王孫德新賦

草堂三日風雨驚閉戶不聞車馬聲書簽頗怪燕泥濕  
井屋忽看春草生王孫亦在城西住手種團團青桂樹  
朝來讀書不下堂自寫淮南小山賦

投贈蕪善都水

尚書北柱最清高持節東南護水曹千載河渠數劉向  
一時詞賦重王褒玉垣天近含雞舌阿閣朝迴拾鳳毛

更憶龍池舊時柳年年雨露浥宮袍

視草堂深近玉除每從進講佩銀魚  
南宮晝漏通青瑣東壁奎文煥石渠  
古篆久知道史籀新詩端擬過黃初  
茂陵多病緣何事惟待青冥薦子虛

送廣德程萬戶弟從軍

桓桓程將軍年未三十氣如雲一朝  
詣闕襲父職獻書討賊爭功勛朝廷  
恩深禮數厚授鉞前驅那敢後雲鳥  
天青沒畫旗轅門月黑鳴刁斗將軍  
有弟才且賢從兄

萬里何翩翩看雲倏爾歸奉母如此一門忠孝全楊花  
三月潼川暮揮戈又指湖南去吹笛高城破敵風飲馬  
長江洗兵雨學書學劍真男兒功名拾芥須爾為長歌  
更勸一杯酒歸來細頌平蠻詩

登姑蘇臺劉從事索賦二首

送客古臺下繫馬古臺陰日落黃塵起馬嘶青草深古  
人俱白骨遺像空黃金撫事已千載徒傷千載心

臺榭已蕪沒江山非昔游鳥啼烟樹裏日落古城頭源

水聞吳曲青楓繫越舟望中衰柳色知是舊長洲

過南沙曹氏別墅會沈伯熙索賦

虞山相對南沙口曲曲雲林似輞川隔岸花飛春片片  
開門青竹雨娟娟故人忽喜經年見清夢已驚三日前  
深夜一尊仍惜別還家又是月初弦

沈伯熙云三日前曾夢余相見

惠山次韻柳遵道待制留題二首

晴山屹立九龍堆翠削芙蓉面面開千童灌木烟中合  
百谷流泉地底來人倚石牀題斷蘚僧歸紅閣禮殘灰

杖藜不厭攀蘿磴一日須來一百迴

行盡空林黃葉堆青山九疊倚天開  
移家未學梁鴻去題石應傳米芾來  
天上游絲春繞夢人間劫火冷飛灰  
無因十日雲房住為借支郎一鶴迴

題趙文敏公竹

不見王孫三十秋白頭遺恨思悠悠  
似將一掬皇英淚夢逐湘江春水流

次韻周子通應奉見貽

文星一箇落南州太史今為萬里游雲漢依然天北向  
風波已見海安流亦知王粲久為客惟有杜康能解憂  
欲問南山射虎者數奇何事不封侯

送徐勉之慈湖山長

北闕獻書今十年南州辟掾任才賢仍聞下第還鄉邑  
猶喜一官司豆籩學舍開時對山郭海潮平處是公田  
絃歌但使敦民俗寇盜于今已晏然

送凌元之湖團監稅



廿年作吏辭鄉邑十月司征去信州  
孫子斑衣方在膝  
慈親白髮已盈頭  
嶺烟散後人歸市  
春水生時客放舟  
莫為微官歎淪落  
江山如此亦清游

我居吳下君居越初未識君知姓名  
相逢一夕話鄉里  
託好十年如弟兄  
明日還過客星瀨  
故家近接上饒城  
江頭把袂不忍別  
歲晏商歌無限情

望潮曲

夕風吹白波江樹搖綠烟  
行人望潮水心與滄溟連  
搏

桑東來三萬里曉看浴日重淵底迺知碧海與天通只  
隔銀河一絲水美人住在東海頭身輕嫁與千戶侯頻  
年轉粟直沽口檣頭夜夜望牽牛

贈琨努同知前宣文閣司鑰

昔年進直宣文閣奉詔親從華底來魚鑰畫司宮漏永  
牙牌晨候閣門開九重清切通中禁百辟從容近上台  
白髮思親滄海上看雲日日望蓬萊

題宋氏綠野莊

暮泊蘭陵郡朝過綠野莊飛華渡江濶垂柳蔭門長掃  
地春陰合梳頭荷氣涼幾時重著屐來此話滄浪

陸友

字友仁姑蘇人幼聰敏好學作詩必擬古人不苟  
下筆故其詩皆有法度北游京師館閣諸老無不  
愛重之惜其不永年故詩不多得云

送趙季文之湖州知事

共說佳公子翩翩清且賢傳家存舊笏載世有遺編鷗

鳥衝波去苔花帶雨牽糾曹官事少揮麈看山川

贈諸葛子熙

聞道長安異昔時秋風落日草離離九成宮闕無尋處  
空有人來拂斷碑

百二山河路欲迷荒林敗塚轉悽悽夜深曾過昭陵下  
風雨猶疑石馬嘶

北堂萱草綠朶朶白髮慈顏不解憂盡賣刻辭供菽水  
誰憐跣足徧長洲

題米元暉畫山水

翳翳雲中樹亭亭江上山秋風生柁尾蕩漾碧波間

題宋江三十六人畫贊

憶昔熙寧全盛日百年曾未識干戈江南丞相變法度  
不恤人言新進多蔡家京下出門下首亂中原傾大厦  
睦州盜起勢連北誰挽長江洗兵馬京東宋江三十六  
白日橫行大河北官軍追捕不敢前懸賞招之使擒賊  
後來報國收戰功捷書夜奏甘泉宮楚龔好古作畫贊

不敢區區逢聖公我嘗舟過梁山灤春水方生何沙漠  
或云此是碣石村至今聞之猶褫魄

送國王多爾濟就國

奕世名王策駿功遠分茅土鎮遼東玉符金印傳孫子  
鐵券丹書誓始終滄海斷霞通虎帳黑河飛雪暗琯弓  
莫忘聖武艱難日四傑從容執帛同

桂之樹

桂之樹塞我衣秋風昨夜起游子送將歸明年春水盛

鼓楫下江磯

吳桓王墓

見說桓王墓名因父老傳如何漢社稷竟作魏山川  
隨秋風入荒丘暮雨懸唯餘碑上字隱隱赤烏年

送趙子期使交趾

萬里交州道還聞虎節馳天王頒正朔使者護蠻夷  
瘴雨侵榕葉腥風度竹枝奉辭存大體定服遠人思

見說

幽并豪俠士新拜羽林郎夕接秦娥曲朝薰荀令香折  
花當閣道射柳傍宮牆見說紅城下今年春草長

石民瞻作縣彭澤集賢趙子昂畫馬贈別後為他  
人持去二十年後復得之題詩以識之

朝踏長安塵暮傾渭城酒風流趙集賢畫馬當折柳晚  
涼池上洗馬歸圉人控鞍不受羈此馬自是玉龍種想  
見明窗貌得時題詩人物不可作北雁南雲總離索舊  
游回首二十年今日重看宛如昨春盡江頭生綠波青



山滿眼故人多惟有當時陶令在奈此蕭蕭白髮何

次張貞居所賦雲林

松花新釀碧琳腴洗杓何妨起病夫  
菌閣下簾修隱訣  
雲林掃榻挂仙圖  
旋移竹近文書案  
自汲泉添刻漏壺  
聞說華陽多玉食  
洞中燕肉膩如酥

泊虎丘

晚泊虎丘山下村  
小舟搖蕩一溪渾  
游人車馬各已散  
宿鳥池臺故不喧  
初月出林光照地  
亂雲入寺影當門

千人石上平如砥良夜時聞歌吹繁

王蒙

字叔明吳興趙文敏公之甥強記力學作詩文書  
畫盡有家法尤精史學游寓京師館閣諸公咸與  
交善故名重儕輩嘗過草堂所留詩止此云

八月十五夜陪徐校書飲酒

校書同是京華客共對月明懷故鄉光淪太液魚龍動  
風度長秋草樹涼莫使華燈繼尊俎不辭白露濕衣裳

千門萬戶秋聲裏玉漏沈沈夜未央

海子橋

暮登海子橋西繞紅門歸霜風著宮樹葉葉帶紅飛據  
鞍吹短笛乘月搗征衣江南冰雪裏音信寄來稀

送許具瞻馳驛之鄞縣尹

縣尹新承天子詔漢家舊制重郎官  
甬東羣盜知王式海內蒼生望謝安  
修竹故鄉山疊疊梅花驛路雪漫漫  
行春勸課無餘事得意新詩好寄看

有感

馴龍若御馬下上何足奇  
飄搖海東鶴司晨不如雞  
白雲本無心每與仙人期  
悠然岩壑姿卷舒豈無時  
偶來還自賞脩去令人思  
燕臺十二月雪沒黃金基  
正月河水泮二月下流漸  
江南三月暮花落舞晴絲  
歸帆天際來烟雨渡江遲  
淙波映吳樹雙飛錦鷗鵲  
相思極春水一夕到天涯

留別

都門柳色黃我作江南客折柳送將歸玉壺况琥珀羨  
爾青雲士瓊鉤戛珠鳥朝辭漢殿春暮就干時策聲名  
人所欽軒車日相索歸人夢還家五湖烟水夕何處我  
思君鶯啼柳花白

調古世寡和才高自無羣種玉秘竒術還丹隱玄文披  
裘負薪士拾金非所聞雖無箕穎節亦不慕高勲石田  
長芝草暮春自耕耘曲肱枕耒耜長歌至日曛所樂良  
在茲沒齒復何云

我本笠澤漁而來京國游麋鹿樂茂草和鳴聲呦呦  
踏向樊籠徘徊如楚囚置之山谷中曠蕩獲自由富貴  
與榮華飄若水上漚百年既瞬息白駒豈淹留眇哉一  
身累徒懷千歲憂惟持一尊酒日夕相勸酬故山叢桂  
樹葉茂枝已稠苟遂攀援願此外復何求

昂吉

字啟文西夏人登戊子進士榜授紹興錄事參軍  
多留吳中時扁舟過余草堂其為人廉謹寡言笑

非獨述作可稱其行尤足尚也

樂府二章送吳景良

吳門柳東風歲歲離人手千人萬人于此別長條短條  
那忍折送君更折青柳枝莫學柳花如雪飛思君歸來  
與君期但願柳花如君衣

采采葉上蓮吳姬蕩槳雲滿船紅妝避人隔花笑一生  
自倚如花妍低頭更采葉上蓮錦雲繞指香風傳殷勤  
裁縫作蓮幕為君高掛黃堂邊待君日日来周旋

姑蘇臺送友人之京師

送君姑蘇臺臺前日落雲帆開吳王宮殿已成土且復  
飲我黃金壘吳王宴時花滿屋半酣西施倚闌曲越兵  
一夜渡江來從此荒臺走麋鹿與君弔古登高臺青天  
萬里雲飛回顧君乘雲上天去思君徧倚臺前樹

虎丘山送友人

別君虎丘山歸雲如鴉松樹間生公聚石坐說法白虎  
臺前去復還至今臺下金精伏清氣瀟瀟滿林谷城中



之人豈解事但見寒泉繞岩木君行慎勿停吳舫修名  
要與山齊高酒酣君去我亦別後夜山頭望明月

王禕

字子充金華人晉卿黃先生門人與天台陳敬初  
游京師為朝貴所重赴鄉薦歸江南余與定交時  
過草堂觴詠累日吳中習舉業者多從之

贈別周季長舍人赴淮西帥幕

昔時紫綬侍雲霄今日春風換綠袍聞幕共誇從事重

朝班猶憶舍人高  
衣冠望族如麟趾  
伯仲文名比鳳毛  
回首京華寧久別  
看君辭采映東曹

留別京師諸同志

京都冠蓋盡才賢  
兩載追隨得後先  
朱履食魚春日  
上  
褐衣騎馬朔風前  
蘇公去蜀八千里  
杜子客京三十年  
從古辛勤有名譽  
却慙蚤賦式微篇

寄題葛伯溫憲郎文窗十四韻

中州勝槩說彭城  
戲馬臺高俯大垌  
汴水北交河水濁

淮山南入楚山青百年故老遺文氣今代奇才尚德馨  
喬木依依臨巷陌世家隱隱見門屏未妨仲蔚蓬生堵  
政喜濂溪草滿庭雨案芸香春辟蠹風簷竹暗夜藏螢  
圖書留意年華蚤燈火關心夢寐醒劉向謾登天祿閣  
揚雄自著太玄經常時下榻來今雨幾載驅車從使星  
浙水東西紆逸足雲霄上下振修翎才名要使囊穿穎  
宦業懸知刃發硎亦有倦遊天上客過從何日話飄零

荆樹曲

紫荊樹當軒青衆枝只共一本生去年風吹北枝損憔悴南枝顏色隕北枝今歲喜如前南枝顏色皆鮮鮮樹木無枝寧有意同本故應休戚繫君不見桃生露井上李樹生桃傍蟲來嚙桃根李樹代桃僵桃李異根尚如是况此一本相連理人家兄弟無則已若有還須荊樹比

江上曲

木蘭舟繫門前樹阿郎今朝棹槳去去時為問歸幾時

約道歸時日須暮江上風水不可期日暮不知歸不歸

鄭守仁

號蒙泉天台黃巖人幼著道士服長游京師寓蓬萊坊之崇真宮不事干謁齋居萬松間一夕大雪填門公讀書僵卧自若京師號為獨冷先生至正間主白鶴觀

危太樸應奉壽

華蓋山前爽氣浮瑞鍾人品最清修汗青筆力齊班馬

太白神光煥斗牛絳闕早朝香滿袖玉堂夜直月如鉤  
春風道上看紅藥政是斯文獨步秋

和劉遵道僉憲韻題開玄道院呈王真人

龜溪溪上開玄館玉靈仙人別洞天金碧樓臺深翠裏  
畫圖城郭淡烟邊桃花春晝霞千樹暖日東風錦一川  
人在歸根亭上燕香飄外國暮林泉

東杜清碧先生

有元至正喜隆平偃武修文尚老成特遣皇華傳詔旨

遠徵隱逸入神京  
草廬未許孔明卧  
莘野可容伊尹耕  
好駕蒲輪對宣室  
毋虛前席問蒼生

鳳皇臺和李御史韻

夜深烽火東城鼓  
步絕金蓮春筍泥  
千載王風天轉北  
六朝文物日沉西  
江浮漢地淮山小  
鳥沒吳雲宮樹底  
獨足不回鵲去雲  
臺今此讓烏棲

謝黃德廣見贈韻

幾載隨龍度兩京  
每慚服食在王庭  
論文心契危貞白

志道神怡夏紫青騎馬歸來頭帶雪釣魚老去孰瞻星  
雲山江水秋無恙莫遣天書降浩冥

和吳大宗師九日迎駕龍虎臺韻

龍虎臺前鞠日時玄師迎上政棲遲皇皇車駕循彛典  
穆穆君臣好禮儀五色卿雲清廟瑟九光行殿錦繡帷  
山呼首效封人祝恭進蓬萊沆瀣卮

至尊萬壽復神京中外臣僚極遠迎王道平平行鳳輦  
德音秩秩噦鸞聲堯天澄湛星辰列舜日昭融錦繡平



最喜玄師承顧問還丹九轉眼重明

深秋黃道翠華開輦路清光被草萊  
一行宮成玉陛九天明月照金臺  
班超文武紅雲合樂奏簫韶彩鳳來  
至正明仁希歷代詞臣樂頌太平回

登桑乾嶺迎達禮部

曉發桑乾嶺行行路入雲衆山皆在下  
惟我獨超羣駟騎天邊出楊花樹杪分  
老僧邀茗供坐石共論文

和句曲張外史韻寄上清薛外史

明月照寒水清霜積厚冰知君多念我為客獨依僧湖  
海十年夢詩書半夜燈忽聞江國雁寫寄剡溪藤

上京懷張外史

兩冬為客住龍沙長憶西湖處士家昨夜不知身萬里  
短牕明月夢梅花

和沈自誠孤雁韻

海國風高失薊雲聲聲哀怨不堪聞自憐片影荒城月  
肯為飢寒向別羣

和貢泰父待制上京即事

野韭青青黃鼠肥  
地椒細細白翎飛  
郎君集賽今朝出  
請得官錢買酒歸

金鞍寶馬女郎騎  
笑擁香車出內時  
齊到五雲新月下  
舉鞭相向始分離

雨中海棠分韻得肉字

花神泣向臘脂玉  
淚浥紫綿紅沁肉  
沈香亭北錦屏寒  
太真政在華清浴

送任生之松江從學

爾翁與我同兄弟  
迺父論交亦友生  
愧我江湖空老大  
喜君頭角又崢嶸  
蚤看器識如劉晏  
還擬文章似禰衡  
春雪一蓬波萬頃  
柳條青眼總離情

衛仁近

字子剛雲間人  
學舉子業從楊鐵厓  
游常以才子稱之  
此數詩皆其所寄云

擬唐宮詞

九重春色繞金鑾  
龍謁宮壺午漏殘  
犀押簾垂紅霧暝  
獸爐香盡碧雲寒  
隔樓度曲多西子  
別院吹笙是內官  
見說羊車明日過  
旋栽楊柳護雕闌

奉寄楊鐵崖

白髮揚雄三泖上  
樓船日日載青娥  
驪珠泣月夜光冷  
象管叫雲秋思多  
問字諸生頻載酒  
購書道士為籠鵝  
玄霜臺上涼如水  
好著吾儂拍手歌

送劉主事北上

曉漏沉沉禁籞清內班初進珮環鳴九重日月明金殿  
四海車書會玉京


天子龍飛乾道正宰臣鵠立泰階平幾時我亦觀光去  
醉挿宮花出鳳城

秋夜曲

誰家女兒青髻螺花前雙歌舞婆娑湘簾在鉤明月多  
奈此迢迢涼夜何

銀河流光夜初靜姮娥娟娟度鸞影綺疏美人醉方醒

倚闌吹簫更漏永



草堂雅集卷十



欽定四庫全書

集部  
草堂雅集卷十一

詳校官中書臣丁榮祚

助教臣常循覆勘

總校官中書臣朱 鈐

校對官中書臣范 鏊

謄錄監生臣張若湘

謄錄監生臣桑 英

欽定四庫全書

草堂雅集卷十一

元 顧瑛 編

于立

字彥成南康之廬山人故宋名將家幼明敏博學  
美談笑學道會稽山中得石室藏書遂以詩酒放  
浪江湖間長吟短咏有二李風多游吳中與予特  
交善故于玉山草堂有行窩馬法書名畫題品居

多楊鐵厓先生以為如行雲流水無所凝滯游方之外者也

題天台採藥圖

天台之山千崖萬嶂下壓玄陰之九壘上通青天於一握長松古檜陰森蔽白日飛湍懸瀑瀕洞振岩壑窮搜遠討不可極中有仙人在寥廓褰衣澗曲者誰子似欲長往窮冥漠石橋流水定何處鳥啼春暮桃花落但見霓旌飄飄集仙侶丹光翠色映樓閣授子素書仙可學

況有瓊漿與靈藥雲霓衣裳上清樂瑤牀玉枕真珠箔  
此中居處良不惡胡乃區區念城郭世道日偷民德薄  
變轉更遷如六博人間不似山間樂嗚呼人間不似山  
間樂胡為下令歸來化為鶴

題子昂蘭石

閒向江邊結佩褰楚宮花草露離離王孫去後春風晚  
拾得幽芳欲遺誰

題敬仲竹木

洞庭秋盡水層波  
光動珊瑚碧樹柯  
夜半仙人騎紫鳳  
滿天清影月明多

題墨雁

黃沙衰草雪氍毹  
八月天山冷不堪  
昨夜朔風吹過影  
盡將秋色到江南

題山居圖

千澗淙淙一逕通  
長松盡入白雲中  
徵君更在山深處  
滿谷桃花爛漫紅

題高宗詩意便面

當朝山色尚煙嵐  
近侍承恩罷早參  
邊奏不來春殿寂  
自將情思寫江南

題凌波仙

帝子乘風下九疑  
含情欲去更遲遲  
獨憐江草年年綠  
曾見凌波解珮時

題趙子昂桃花馬

學士當年侍武皇  
詔騎天馬入明光  
上林三月花如雨

吹落金鞍片片香

題松石

匡廬道士山陰住  
遶屋青松箇箇長  
溪上一番春雨過  
白雲滿地茯苓香

題胡環瘦馬圖

堅昆此去幾萬里  
荒草黃雲連白沙  
到得單于臺下日  
暖風開遍地椒花

題振轡馬

渥洼龍馬進來時奮迅長鳴不受羈詔與從官調得熟  
只教隨仗不教騎

至元戊寅四月十九日風雷大作民以為龍王嫁  
女予作詩以紀之

西方龍君嫁龍女雷車彭彭載風雨神奸夜邀鬻體語  
碧草無光愁露渚鮫人獻綃珠淚泣鸞裾行烟翠痕濕  
阿鬟嬌小不成妝帝與桑田湯沐邑黼脂紫玉吹海腥  
陽侯擊浪玻璃聲湖邊地皮薄如紙長堤捲作長河水



夜夢家兄又夢陳敬初

我來與君同作客前年共住江邊宅君騎快馬事遠游  
我亦流離去鄉國君家慈親猶未老眼前骨肉仍相保  
三人兄弟何人強之子文章最稱好我家老兄浙水濱  
老兄比弟家尤貧五年零落不可見迢迢歸夢還相親  
人聞夢中相爾汝傍人不知夢中語起來明月滿虛庭  
丹楓墮影天霜雨秋風江上生白波秋江蕭蕭鴻雁  
遲君不來知奈何聊復慷慨成悲歌聊復慷慨成悲歌

題顧仲淵烟雲軒與玉山同賦

玉峯連天向天起秀色盤迴三十里寒翠淋漓濕牕几  
影落明河一泓水明河之水清無底幽人結屋湖光裏  
溪南溪北花陣迷舍東舍西山鳥啼夜來東風雨一犁  
滿川煙霧春雲低春雲無心無定處長在幽人讀書處  
未肯從龍行雨去窗前且伴幽人住

顧瑛和曰春雲厖簷飛不起暖氣龍葱百餘里  
桃花亭亭笑酣春溪邊浣花染溪水武陵才人

碧牕底青霓衣裳白霞裏翠煙點點猩猩毛冰  
綃凝文露華洗山光入眼青迷迷小鳥向人啼  
復啼前村後村樹如蓋柳花起舞迴風低雲師  
雲師浩無據驅雲勞勞向何處請君勸師一杯  
酒更借白雲簷下住

題倪元鎮畫林泉

城中對雨住十日雨晴出城山更幽入林下馬坐盤石  
綌衣紗帽思如秋

題顧仲淵臨柯丹丘竹

湖州去後丹丘老見此風枝露葉新  
千古中郎那可得  
虎賁猶是典刑人

題墨戲秋荷水禽

芙蓉老盡澹秋光翠羽依依愜晚涼  
欲製荷衣渾懶折  
只愁無葉蓋鴛鴦

題墨竹

種竹滿山阿蕭蕭風雨多  
會當成翠實鳴鳳一來過

簡玉山

我離城中五十日念子終日不相忘驛回隴首梅未發  
雁過沙頭書幾行田間雞黍酒正熟霜後園林橘半黃  
亦欲歸栖同一笑酣歌不減少年狂

寄盧益修

山中舊屋近如何想見涼雲長薜蘿剡水舟迴應載雪  
山陰帖在可籠鵞相思坐使歲華晚顧影空憐月色多  
惆悵何人賦招隱淮南桂樹不勝歌

美黃外史

曾侍虛皇授玉經又從逸少寫黃庭月明神劍涵龍影  
雲起仙衣上鶴翎爐下火溫丹自熟松根石爛酒初醒  
鑑湖東畔山無數好結茅齋採茯苓

題翟院深畫放牧圖

村鼓誰家樂社神雨餘草木盡知春催科未動蠶桑了  
此是山中放牧人

前山後山山鳥啼溪南溪北草離離秧田已足三時雨

此是山中放牧時

楓林日落山徑微暝色欲合行人稀  
東家稚子候簷隙  
此是山中放牧歸

隔浦晚煙迷遠樹滿川春雨長平蕪  
數家茅屋疎林外  
此是山中放牧圖

題葛仙移家圖

紫府青鸞下詔遲囊琴跨犢又何之  
空遺舊宅燒丹井  
寂寞長松叫子規

題陳閱畫唐人呈馬圖

大宛直在玉闌西  
萬里風沙八駿蹄  
一自殿前隨仗立  
垂頭不肯向人嘶

題李唐牧牛圖

雨足秧田放牧時  
溪南溪北草離離  
長歌叩角無人聽  
閒卧斜陽把笛吹

題趙松雪楚江清曉

曾從江上繫孤舟  
渺渺清江萬里流  
兩岸青山春正曉



一聲鳴櫓下揚州

題文敏公墨蹟

銀潢露冷夜霏微  
帝子乘風去不歸  
吹徹參差明月下  
滿江清影泣湘妃

題趙千里臨李思訓煎茶圖

山風吹斷煮茶煙  
竹外誰驚白鶴眠  
寫就淮南招隱曲  
松花離落石牀前

題管夫人竹與玉山同賦

煙空湘月明露下湘波冷  
脩然林下風吹折琅玕影

顧瑛詩曰鳳毛輕染碧池春  
寫作琅玕紙上真  
試看腕中百斛力前身應是李夫人

題李息齋竹

蘄丘最愛山陰道箇箇人家好  
竹林夜半翠烟三萬頃  
玉簫人倚鳳皇音

題李遵道古木新篁

山中昔日藏書處無數珊瑚並石根  
海上樵夫都不識

斷雲碧蘚長秋痕

題虞瑞岩白描水仙

瀛洲之君號中黃  
瑊冠翠帔懸明璫  
通明宮中拜帝觴  
帝遣換骨生天香  
醉後橫斜踏明月  
月明零亂如冰雪  
為傳清影落人間  
化作幽芳更愁絕  
官車曉過西陵渡  
貝闕珠宮鎖烟霧  
君王十二玉闌干  
玉盤倒瀉金莖露  
江風吹斷舊繁華  
年年十月自春花  
寫成幽思無人省  
持獻瑤池阿母家

題野鳧卷

池上軒牕並水開  
鑑湖狂客酒船回  
鵲鵲鷗鷗知人意  
也為春暉日日來

題陶穀郵亭夜宿圖

行春使者惜春華  
處處春風楊柳花  
不向江南望江北  
却將恩怨屬琵琶

題二馬圖

明光殿前立仗馬  
盡日垂頭不敢嘶  
太液春波初浴起

風烟慘淡八霜蹄

題王元章梅

老鶴歸來不受呼  
野橋江樹雪模糊  
西湖處處皆桃李  
省識春風到畫圖

題墨竹

先生舊隱鑑湖曲  
無數琅玕遶屋生  
蕭蕭六月動秋思  
不是風聲即雨聲

題柯石

十岩夜半風雨裂古劍斫石生銅折寒潭影動月崢嶸  
碧蘚淋漓老蛟血

題水仙

夢落人間不紀年月明清影裊翩翩為問蓬萊幾清淺  
御風環珮欲泠然

題西園雅集圖

文章在世如元氣人物盛衰同一致開圖使我三太息  
乃知作者遺深意名園蕭瑟懸古秋白沙翠竹涵清流

豈無尊俎寄幽賞况有文字能相酬  
花前美人美如玉翠痕冷透冰綃綠  
長帽先生正揮洒何處阮咸新度曲  
法書名畫總游藝說有談空聊遠俗  
當時風流數君子千古何人繼高躅  
君不見金谷荒園無草木又不見姑  
蘇空臺走麋鹿彼哉富貴等塵土  
何如斯人斯畫傳千古

題東山圖玉山同賦

不起謝安石其如天下何  
向來游賞地芳草落花多

顧瑛詩曰江左風流第一人東山歌舞日紛紜  
當時不為蒼生起司馬山河總白雲

題邊伯京畫萱竹雞鸛

雲根翠竹依蒼石溪上戎葵映碧流自是鴛鴦元有侶  
不因芳草解忘憂

題從子倫畫山水

我本山中人頗有愛山癖何人寫秋山秀色如可食天  
河露下秋漢白挹露磨空洗秋色炯如洞庭水浸青芙



蓉倒影天光湛虛碧又如飛龍天外來鱗鬣森森插霜  
戟遠嶼瀾茫隔烟浦冷雲濕翠愁痕古便從海上訪三  
山又恐征帆迷處所若耶溪在何處歸去來山中住道  
逢仙人紫綺冠指點丹崖是征路寄書松竹問平安莫  
嫌老子來遲暮

題錢舜舉畫雞冠花

玄霜冷漬丹砂汁翠羽離披紫霞濕金烏海底浴神光  
絳幘雞人露中立

玉笙謠玉山席上贈周生時鐵厓同賦

十三學神仙十五能吹笙仙人王子晉同上鳳皇翎丹  
山鳳皇十七聲鈞天按節皆和鳴西游瑤池謁熊闕董  
家雙成最娉婷桂殿初涼濕秋露鵝管吹烟隔輕素縹  
緲新聲汎紫霞按曲每得周郎顧鐵厓仙人橫鐵篴幾  
度周郎蒙賞識同向緱山弄月明九點齊州暮煙碧

題米元暉墨山

生來墮塵網苦為塵網縛暇日我早起騎驢出東郭城

門老人髮半垂問我騎驢何所之為言欲向山中去茅  
屋正在清溪湄山中之人面如玉手把素書跨黃犢石  
泉夜煮茯苓香滿屋秋雲邀共宿綠蘿曉月懸松風縹  
緲惟聞煙外鐘十年往事一回首已隔雲山千萬重潦  
倒狂吟頭半白把卷令人念疇昔石田瑤草近如何題  
詩好寄山中客

題醉道圖

君莫學伯夷不肯食周粟君莫學屈原死葬江魚腹人

生富貴無百年身後聲名亦漫傳朝廷縱有賢良詔得似  
先生醉後眠

題水竹居

隱君溪上茅齋好遠屋竹林秋更清放艇莫驚鷗鷺宿  
吹簫還倚鳳皇鳴一川夜月芙蓉淨數畝涼雲薜荔生  
俗客不來清晝寂小窗瑤瑟間書聲

送姚子章赴浙省計事同玉山賦

之子東遊去神駒背若鴻天樞黃道外星使紫微中北

岫雲雙屐西湖雪一蓬重來舊遊地談笑莫匆匆

顧瑛詩曰天府歸來寵數優又馳星轍過東甌  
旌旗影動扶桑曉鼓角聲懸海嶼秋緩帶元戎  
惟鎮靜操觚上吏足風流時清幕府文書少把  
酒吟詩好唱酬

觀牡丹有感

搖搖紅影一枝斜看舞東風兩髻娃堪笑年年未歸客  
借人池館賞春花

寄陳敬初

時敬初寓  
楞嚴經

東海先生叅白社山陰道士乞黃庭落花滿地無行迹  
寫到楞嚴第幾經

暮春偶書

沉沉柳巷無行跡惟見簾前落絮頻小雨欲晴先釀暖  
輕陰拂地不驚塵已知春事無多日解醉花前有幾人  
深院時時剪刀響倩誰裁製小烏巾

題錢舜舉畫青山白雲

吳興山水天下無  
吳興畫手天為徒  
天河染露洗空碧  
輕煙薄素開新圖  
白雲欲散松風起  
迴如丹丘隔海雪  
後寒糝糊溪光倒  
影丹翠濕又如洞  
庭水浸青珊瑚  
綠蘿吹香掛秋月  
小橋野逕相縈紆  
行人遙遙向何處  
丹崖石檢或有仙  
人居溪山如此無  
不好築屋臨流可  
投老  
春雲秋露石田腴  
我欲耕煙種瑤草

春初至城尋敬叔不見明日將歸留詩

城裏逢春住十日  
烏帽短靴塵土中  
喚取扁舟過湖去

兩堤楊柳正東風

寄陳敬初

郭外何曾有杜鵑客中情緒自堪憐  
清明過了梨花謝風景依然似去年

用陳敬初雨中見寄有過湖別墅意

似聞茅屋傍清溪楊柳青青水拍堤  
醉裏不知家遠近望中惟見樹高低  
溪雲出洞欲行雨江石穿波不染泥  
何日扁舟過湖去竹間取次著新題



題熊自得畫丹岩圖

混沌夜死元氣裂煉石穿絲補天缺誰將餘鞴鼓八風  
一點元精鑄明月顧兔飛上天清光缺復圓嫦娥抱影  
空嬋娟一朝影落松風顛古佛龐眉兩癯肩築室勘道  
來何年摩尼寶光照濁水天花散落香爐煙溪上青山  
不知數日日春風長蘭杜褰衣便欲問真源斷猿疎雨  
青林暮松雲仙人披錦袍爽致寫入猩猩毛一川晴靄  
動空碧萬壑翠氣翻雲濤手攜綠綺琴為子彈鳴皋金

樽瀉酒對山月仙之人兮如可招仙之人兮如可招汗  
漫與子同遊遨

送趙李文赴湖州知事並簡趙仲光

水部掾郎清似玉春風一舸向湖州舊聞能事才無敵  
新拜除書寵獨優弁嶺羣峰多北向苔溪百折盡東流  
懸知魏闕佳公子應有新詩日唱酬

用丹丘子寄玉山草堂韻

薄薄淡靄浮香雲仙家景物長如春山人不歸猿鶴怨

野老忘機鷗鷺馴丹崖翠壁或有路白沙青石久無塵  
人生有酒萬事足但願日日邀比鄰

擁翠堂詩卷

幽人結屋江邊住俗聲不到題詩處門前惟有樹扶疎  
簷間只許雲來去落花如雨東風狂綠陰滿地春茫茫  
一聲啼鳥驚夢破翠屏淺印羣峰長海綃輕薄烟霏暝  
空碧無痕湛清影天風吹落筇籟寒嵐光濕透衣裳冷  
我生已有遺世心便欲長往窮幽尋微茫樓觀不可到

雲林冥冥苔碧深

贈松崖隱者

滄江之水清如空長林杳嶂高巖從何人於此憇幽寂  
白雲滿地迷行蹤層崖蒼蒼如積雪巨靈手擘芙蓉裂  
蒼官鬚鬣老歲寒地位清高兩孤絕根蟠重陰神鬼會  
節抱太始冰霜結上有六月天風聲下有百尺之玄冰  
門前夜半山月落子規叫絕煙霏冥隱君之意人莫識  
高比青松堅比石石上薜蘿聊可衣松根茯苓誰與食

隱君隱君百不憂予之于世知何求棟梁砥柱或見用  
萬牛回首如山丘

送趙克讓歸洛陽赴舉

聖化開元極文星入上台梁王尤好賦賈誼獨多才江  
草迎人遠宮花近馬開君門多雨露得意早歸來

范寬小雪山

山人昔日住山中山中酒熟蒲萄紅山人醉卧呼不醒  
浩蕩十日吹天風夢駕天風度寥沆貝闕珠宮互明滅

玉龍千尺擁冰髯手挹銀河弄明月仙人勸我金屈卮  
更吹白玉雙參差東風琪樹花如雪千片萬片凌空飛  
怳怳魂神逐煙霧起來却踏孤山路瑤華滿地不堪拾  
騎驢直上梅花墓范寬善畫老有神恍然見我夢中身  
煩君更向溪橋畔為寫當時踏雪人

題張戡獵兔圖

八月九月天雨霜北風吹沙邊草黃驛弓白羽黃金鏑  
虎皮蒙鞍懸兩狼碧眼小兒家上谷生來漣飲常食肉

彎弓射獵不遺鏃阿綽但遣韓盧逐解鞍野食仍割鮮  
止息還依沙草邊燒春百斛賤如水醉來却枕穹廬眠  
嗟哉爾綽良獨苦致身三窟知何補縱然用作管城君  
秦人少恩棄如土

贈道士李虛白

去年去謁大茅君曾得茅君授隱文虛室煉形人止止  
素書紬匱衆云云丹光夜發三花樹玉氣晴浮五色雲  
聖世無為尊道德竹宮佳氣日氤氲

題羅漢

老胡有法向誰說  
坐對碧空秋月圓  
待得眉毛垂著地  
不知鼻孔本撩天

桐軒曉坐

百尺東軒樹微颺  
散清影涼生氣候  
移露滴秋陰冷寥  
寥鳴鳳來歷歷啼  
鳥靜徘徊未成詩  
明月下金井

顧瑛詩曰庭樹長  
琅玕涼雲畫作團  
倚闌招白鳳舞袖  
拂青鸞夜色一簷  
碧秋聲六月寒娟  
娟



金井月長向酒尊看

題趙仲穆畫馬

房星夜入水龍馬出渥洼西來幾萬里進入天王家公  
子重毫素慘淡生風沙明時不用武終然駕鼓車

送柏子庭歸四明

東風夜起江花落盪漿過江江水香並人晴樹日杲杲  
隔岸烟草春茫茫題詩自有湯休句載酒寧無賀監狂  
菖蒲花發蒲萄熟思爾令人意不忘

顧瑛用韻江上送君歸故鄉江風吹春如酒香  
長亭柳花雪袞袞大堤芳草烟茫茫青山入畫  
題詩徧綠水行舟載酒狂莫遣鐘聲到書枕空  
梁月落意難忘

題旺扎勒蘭石

明時宿衛選良材忽擁旌旗海上來天馬盡收西國種  
將軍新破粵蠻回弓懸蛇影弦初下劍發龍吟匣自開  
自古相門多作相五雲佳氣接三台

平遠樓

對酒川光濕，鈎簾爽氣浮。  
地從天際沒，水近日邊流。  
樹密烟藏寺，蘋生綠滿洲。  
幽人有佳興，于此一登樓。

水殿圖

羊車欲過玉蘭東，雉扇微開水殿風。  
白鳳徘徊金井月，涼陰半在碧梧桐。

分得烏夜啼送朱長元赴膠州同知

城頭烏夜啼，還過上林栖。  
上林高樹多好枝，歸飛啞啞

東復西起看江月沉江底使君遠遊中夜起軟紅陌上  
踏青陽快馬猶龍車似水烏夜啼啼送君驅車出門風  
欲薰東方日出如車輪

玉山分得前有一樽酒前有一樽酒酒痕清若  
空金波忽蕩漾酒面度微風酌酒持勸君為言  
贈離別明日到膠州還見尊中物丈夫多慷慨  
不為兒女憐但令潮有信應見月同圓桂棹木  
蘭舟行行渡淮水君恩如水流客行殊未已

題顧處士竹逸亭

徵君結屋玉山裏  
箇箇修篁一尺圍  
秋聲六月起蕭瑟  
翠雨盡日生霏微  
仙人或送青精飯  
道士時來白羽衣  
清觴雅瑟在盤石  
坐看白雲天際飛

題梅隱

玄陰凍澤腹地底  
生初陽鼎中火力  
溫蒸蒸起微香萬  
木盡僵立南枝正  
芬芳幽人杜德機  
服食從中黃保此  
歲寒節與道常徜徉

題錢景明德軒與玉山同賦

門外清江百尺深道人軒檻倚江潯三山鼇抃波濤壯  
萬壑龍吟霧雨陰每愛南華說天籟更從大士問潮音  
直教聽到無聲處浩劫虛空不可尋

顧瑛詩曰中天樓閣鬱崔嵬下有軒牕傍水開  
列子御風從此去陽侯擊浪有時來夜深龍挾  
千山雨地底鼉鳴萬壑雷我亦清秋望瀛海飈  
輪乘月過蓬萊

題從序畫墨萱草

階下宜男草新開幾樹花阿婆年八十游子早還家

送瞿慧夫京口教官

京口去家三百里官清俸薄得長閒賡歌每作金石奏  
揖讓常居俎豆間波濤不盡大江水雲氣時昏北固山  
淮南木落初飛雁應有新詩寄得還

題花蕊夫人像

玉屑丹砂和獼髓一點殷紅養花蕊冰肌玉骨自生涼

不信流年去如水  
火旗曉壓降王道  
貝闕珠宮長秋草  
摩訶池上又西風  
流紅不向人間老

題蘇小小像

花宮玉燕啼酣春  
春風勞勞驅夢雲  
夢嗔夢喜春不聞  
紅萱露滴真珠裙  
夜燕玳玲隔牕語  
碧紗凝烟咽金縷  
行雲妬殺巫山女  
芭蕉葉葉黃梅雨

題桂花仙人像

紫虛真人離紫宮  
流光夜下如長虹  
明珠結佩冠芙蓉



釣天廣樂來相從居然太虛幻為月中有瓊臺白銀闕  
羽衣霓裳歌合節玉杵搗碎黃金屑金屑霏霏滿下方  
倒吹露脚秋風香齊州一髮烟微茫但見萬國涵清光  
松風操寄題計籌山聽松軒

山之松兮天喬天之籟兮琴琴叶生于無聲兮亦無聲  
以消曲肱隱几兮獨與道超昔之人兮曾棄其瓢

顧瑛詩曰何時種松子于今幾千尺真人守規  
中宴坐深深息清風若流水行住本無跡天籟

生虛空還向空中寂

題仲穆畫唐馬

大宛千里馬朱汗翠連錢  
夜秣玉闕下曉呈金殿前  
橫門花似雨韋曲柳如烟  
虢國爭馳道將軍避繡鞭

次韻越中八詠

種山

青山削芙蓉上有浮雲生  
窈窕俯長流逶迤帶重城  
朝光散霞彩暮色涵空青  
鷗夷去不回遺爾千古名

三山

蓬萊失左股負以垂天翼中有仙人居珠宮燦瑤席凝雲不飛去化作輪囷石彈琴坐石上長憶三山客

崇山

會稽山水國崇山幽事多當時觴詠處春淨花顏酡磊落黃金罍玲瓏白玉珂行樂須及時美人在丘阿

梅山

梅山如積翠的皪手堪捧遙遙仙人尉盤盤故時隴丹

泉清可鑑石乳甘于澶行將解塵纓于馬蹈高踵

鑑湖

我愛鑑湖水明如照膽銅澄清若有待渾濁那能蒙當時賀知章富貴如苓通豈無一畝地來築仙人宮

古城

驅車曉行邁行行出郊郭斷岡屹崇墉虛籟殷靈壑雨深瑤草長風定松花落西山有爽氣逍遙倚晴閣

縹碧樓

樓居本高明況在松竹間溪流深幾尺新雨過前山浮  
雲多變態好鳥亦間關偃蹇樓中人對酒還開顏

芬陀室

視心如蓮花淨明涵太虛出泥本無垢露體皆真如大  
千入一息宴坐忘百須陶公雖飲酒時能到林廬

題超覽樓

紅樓標勝槩高倚越王臺水接三韓外山從百粵來御  
風涼滿袖問月酒停杯少待談空罷登臨亦快哉

春還軒

北風凝寒陰肅肅地底初陽光雪煜正如鼎內火力溫  
漸覺薰蒸起微馥遲遲宮柳著嫩黃稍稍亭皋換新綠  
舊時燕子已重來何處鶯兒纔度曲此時幽人坐軒裏  
有琴可彈書可讀但願日日酒盈樽不問勞勞車折軸  
君不見丞相胡椒八百斛又不見鄴下領軍鞋一屋當  
時富貴等塵土今日園池走麋鹿乃知清虛實近道熾  
心縱得何時足陰陽消長無停機日月推遷如轉轂靜

中妙合天地心請君收視觀其復他年老我叩玄宗與  
爾相過跨黃犢

胡琴謠贈張猩猩

時西夏高起文同賦

絳綃褰帳春雲熱銀蠟搖光眼生纈猩猩對客軋胡琴  
紫龍銜絲度幽咽新鶯出谷調高聲間闕瀉出春風情  
珊瑚擊碎琅玕折鳳皇夜叫離鸞驚舞停回雪歌停扇  
一曲梁州猶未徧細數驪珠下玉盤百尺冰絲貫成串  
錦瑟無聲帝子愁湘波搖江江倒流西風忽起荻苓浦

吹下滿天鴻雁秋張猩猩更坐調一曲玉軸銀絃再三  
促為君寫作胡琴謠西夏郎官面如玉



草堂雅集卷十一